

Iakwe eo an Anij

Būreejtōn Dieter F. Uchtdrof

Rikakpilōklōk eo Kein Karuo ilo Būreejtōnji eo Kein Kajuōn

Iakwe ej joñak eo kōn ad tōmak, imwe eo ñan ad pokake, im kajoor eo emool ñan ad rikaloor.

Kabuñ eo an Jisōs Kraist im Armej ro Rekwojarjar ilo Raan-kein Āliktata ej eddōkļok im buñbūñļok ilo aolepen laļ in. Meñe enaaj wōr wōt ro rej kōmņman men ko rejjab mool kōn Kabuñ in im ro uwaan ilo juōn jōkjōk enana, elōñ armej rej lōmņnak kake kōj āinwōt ro reṃool, jipañ, im owan. Jet rej lōmņnak kake paktokin mijenede ro rerreo, baamle ko reakwe, im ro ruturin rejjab kōbaatat ak kadōk. Jemaroñ bar jenļok āinwōt juōn armej ro rej ilok ñan jar aolep Jabōt jilu awa ilo juōn iien ilo juōn jikin ijo aolep rej jeimjāān jeimjatin; ijo ajri ro rej al ko kineen kōtrāāk ko rej kōnono, wōjke ko rej kōmņman babkon, im ajri ro rekōñaan erom meram in al ko.

Ro jeiū im jatū, kōn aolep men ko *jej* kōnaan bwe jen tooļok kake, ewōr ke jōkjōk ko ilōñin aolep ko jet me rej kwaļok kadkadidid āinwot ro uwaan ilo Kabun eo An, aet āinwōt rikarool ro an Jisis Kraist? Jān kwelok eo elap ilo jiljino allōñ ko lok, ikar kājokļokijeñ kake menin im kajjitok ko eierļok wōt. Rainin ikōñaan jaake ipami jet lōmņnak ko im kōlmanļokijeñ ko ippa āinwōt juōn topran etale in. Kajjitok eo imaan ej:

### **Ekōjkan Ad Erom Rikaļoor ro Reṃool an Jisōs Kraist?**

RiLomņ Make ekar letok uwaak eo kōn keañ in emwilal: “Eļañne komij iakwe Eō, kom naaj kōjparok kien ko Aō”<sup>1</sup> Eñiin ej loļātāt in meļe ko ñan erom juōn rikaļoor emool: Ro rej bōk Kraist Jisōs etetal ilo E.<sup>2</sup>

Ak menin emaroñ letok juōn jorrān ñan jet kōnke ekanooj lōñ men “jaikuj in kōmņmane” im men ko “jaikuj jab kōmņmani” —innām lōmņnak kaki im etali emaroñ juōn pinnitto. Jet iien, katak ko rekwojarjar rej kōmļeļeik jān melele an armej—elōñ iaer rejjab jān jetōb—eļļā ilōñin ļok ta eo Irooj eaar kwaļok, eo ej kabok elapļok men ko jān kadikļok mool ekwojarjar erre eo ilo kakobaba ko im kōmeļe ko kōmņman in armej. Juōn meļe emņman an juōn armej—juōn men emaroñ in jermal ñane—ekōllibbak im erom juōn kōtmane. Im ālkin, katak ko an indeeo emaroñ in jebwābwe ilo tarpok ko an “meļe ko reṃman.”

Eindein ekōjkan ad pād im mour kake men kein rellap? Ewōr ke juōn kamboj eo emaroñ in jipañ kōj kajimwe ad mour ko, lōmņnak ko, im makitkitk ko?

Bar juōn alen, RiLomņor ekar kwaļok iaļ eo. Ke kar kajjitok ñan kwaļok kien eo eļap tata, Ekar jab kōttar: “Kwōn iakwe Irooj am Anij kōn aolepen būruōm, im kōn aolepen am, im kōn aolep an am lōmņnak otemjej,” Ekar ba. “Eñin ej kien eo eļap im mōkta.”<sup>4</sup> Koba ippān kien eo eļap kein karuo, kwōn iakwe ruturum im āinwōt kwe<sup>5</sup>—ewōr juōn kamboj eo ej ba kajien iaļ ejjab wōt ñan mour ko ad ak bar ñan Kabuñ eo an Irooj ilo mour in im mour eo tokālik jimor.

Kōnke iakwe ej kien eo elap, ej aikuj in rilep in aolep im jabdewōt men jej kōmṃane ilo baamle ko ad make, ilo jermal ko ad ilo Kabuñ, im ilo ad mour. Iakwe ej ej biden pā eo ej kobaik rub ko ilo kōtaan ko an baamle im kajjojo. Ej liku eo ej kobaik baamle ko, jukjukin pād ko, im aelōñ ko. Iakwe eju kajoor eo ej ejaake jemjerā, tiriamo, juj, im kautiej. Ej liku eo ej anjo ioon jōbel im dike. Iakwe ej kijeek eo ej kōmāñāñ mour ko ad kōn lañlōj eo ejej iwaan im kōjatdikdik ekwojarjar. Iakwe eaikuj in in ejjekkiik im kwaḷok kōn iakwe.

Eḷañne jej lukkuun jeḷā ta meḷeḷe in iakwe āinwōt Jisōs Kraist ej iakwe kōj, airwaro eo ealikkar im kōttōpar ko ad rej ellaajrak. Ad mour āinwōt rikaḷoor ro an Kraist ej erom lañlōñ ḷapḷap. Mour ko ad rej wawa ioon juōn meḷeḷe ekāā. Kōtaan eo ad ippān Jemedwōj Ilañ emwilaḷ ḷok. Pokake ej erom juōn lañlōñ ijjelokin juōn eddo.

### **Etke Jej Aikuj Iakwe Anij?**

Anij Jemed Indeeo ekar jab letok kien eo eḷap ṃokta kōnke E ej aikuji kōj ṃan iakwe E. An kajoor im aiboojoj rejjab dikḷok eḷañne rejjab iakwe, kariabe, ak āinwōt kattoone Etan. An kōkatak im jikin ej erakḷok ilo iien im jikin jenḷok jān ad bōk, kōmālim, ak nōbare.

Jaab, Anij ejjab aikuji kōj bwe jeṃ iakwe E. Ak o, ekōjkan ad aikuji in iakwe Anij!

Kōn ta jej iakwe ej kwaḷok ta eo jej pukōte.

Ta eo jej pikote ej kwaḷok ta eo jej ḷōmṃake im kōmṃane.

Ta eo jej ḷōmṃake im kōmṃane ej kwaḷok wōn kōj—im wōn ro jej erom.

Jaar kōmṃanṃan ilo nemāmein ro jined im jemād Ilañ; jej jetōb ro nejin Anij. Kōn menin ewōr juōn jikin eḷap kōn iakwe—ej ṃōttan wōt jolet in jetōb eo ad. Ta im ekōjkan ad iakwe jab wōt kōmḷeḷeik kōj āinwōt ro kajjojo, ej bar kōmḷeḷeik kōj āinwōt juōn Kabuñ. Iakwe ej kōmḷeḷeik piktok eo an juōn rikaḷooran Kraist.

Jān jinoin kōmṃanṃan, iakwe ekar jipañ eo jimor kamōñōñō eo eutiej tata barāinwōt inene eo eddo tata. Jān raan ko an Adam ṃae rainin, komṃ naaj loe bwe wūnleplep in jerata ekkā an waḷok jān iakwe men ko rejjekkar. Im ilo būruwōn lañlōñ, komṃ naaj loe iakwe eo kōn men ko remṃan.

Im men eo eḷap tata kōn aolep men ko remṃan ej Anij.

Jemed ilo Lañ ekar letok ṃan kōj, ajri ro Nejin, eḷap jān joñan jabdewōt ḷōmṃak ilo mour in emaroñ keidi. Iumṃwin karōk eo An, Jeova eo Eḷap ekar ejake laḷ kabwilōñlōñ in jej mour ie. Anij Jemed ej wōnake kōj, koprak būruwōd kōn menwan lañlōñ, kaenōmṃan kōj ilo awa in marok ko ad kōn aenōmṃan juj, lutōktok ilo kōḷmenḷokijen ko ad mool ko raorōk, lale kōj ilo iien poktak, mōñṃṃō ñe jej mōñṃṃō, im uwaaki kajjitōk ko ad rekwojarjar.

Ej letok ñan ajri ro Nejin kalimṃur eo kōn juōn aiboojoj im pād ejjeḷok jemḷokin im emōj an kōpooj juōn iaḷ ñan kōj ñan wōnmaanḷok ilo jeḷḷḷokijeṇ im aiboojoj ṃae iien jej bōk juōn tarlep in aenōṃṃan. E ekar kallimuri kōj aolep men ko An.

Eḷaññe menin ejjab bwe wūnin iakwe Jemedwōj Ilan, bōlen jōmaroñ katak jān naan ko an Rijilek Jon, eo ekar ba, ”Jej iakwe e, kōnke ekar mokta kar iakwe kōj.”<sup>6</sup>

### **Etke Jemedwōj Ilan ej Iakwe Kōj?**

Ḷōmṃak kake erre eo, iakwe eo eḷap komaroñ in ḷōmṃak kake. Kiiō kworḷoke iakwe in kōn juōn dettan ejjeḷok jemḷokin—eñin ej joñan iakwe eo an Anij ñan kom.<sup>7</sup>

Anij ejjab kalimjeke tulik in armej.<sup>8</sup> Ij tōmak bwe E ejjab kea ñan jidik eḷaññe jej mour ilo juōn em labwōj ak juōn ajjur, eḷaññe jōwilleo ak jab willeo, eḷaññe jōbuñbuñ ak jool. Meñe jejjab iieo, Anij ej lukkuun iakwe kōj. Meñe jemaroñ eñjake ad jōbwābwe im ejjeḷok ad kamḃōj, iakwe an Anij ej lukkuun jeboḷe kōj.

Ej iakwe kōj kōṅke E eobrak kōn juōn joñok eo ejjeḷok jemlokin kōn kwojarjar, erre, im iakwe eo epen kōmleleik. Jaorōk ippān Anij ejjab kōnke peba in bwebwenato in kapeel ko ad ak kōnke kōj jej ajri ro Nejin. E ej iakwe kōj kōnke ej eoprak kōn ekwojarjar, ereeo, im iakwe jab maroñ kōmḷeḷeik. E ej iakwe kōj aolep ajri ro Nejin, meñe ro rej irlōk, makoko in bōk, jatipe, buromōj ak jorrān. Iakwe an Anij eḷap an ḷap bwe E ej iakwe meñe rijua, riutiej bōro, rikabbil, im rijerawiwi.

Ṃeḷeḷeen menin ej bwe, jekdoon jōkjōk eo jej pād ie kiiō, ewōr kōjatdikdik ñan kōj. Jekdoon ta jorrān ko ad, jekdoon būromōj eo ad, jekdoon bōd ko ad, jouj eo ejjeḷok jemḷokin an Jemed ej kōṅnaan bwe jen epaake E bwe āindein E emaroñ epaake kōj.<sup>9</sup>

### **Ekōjkan Ad Maroñ kōḷapḷok Ad Iakwe Anij?**

Kōnke “Anij ej yokwe”<sup>10</sup> joñan wōt ad kepaake E, jej eñjake iakwe ej ḷapḷok an ṃwilaḷ.<sup>11</sup> Ak kōnke reñōl eo ej kōjpel mour in jān ijo jikid ilañ, jej aikuḷ in bukōt ilo Jetōb men eo me ej ettiṅ ñan ad loe kōn mejān kaniōk.

Lañ emaroñ kanooj ettoḷok ilo iien ko, ak jeje ko rekwojarjar rej letok kōjatdikdik. Ilo bok in Jeremia jej riit. “Komṃ naaj pukot eō im loe eō eḷaññe komṃ naaj pukot eō kōn aolepen būruōmi.”<sup>12</sup>

Mekarta, pukot Anij kōn aolepen būruwōd ej kwaḷok eḷapḷok jān leḷok juōn jar lamwaan ak kwaḷok jet naan ko ñan akjokkwe tok Anij ñan mour ko ad. “Bwe eñiin ej iakwe an Anij, bwe jen kōjparok kien ko An.”<sup>13</sup> Jemaroñ in kōṃṃane juōn ikkure eḷap kōn ad ba jejeḷā Anij. Jemaroñ keañ ilubwilej bwe jej iakwe E. Kōn menin, eḷaññe jejjab pokake E, aolep ej jekdoon, bwe “Eo e ba, I jeḷā E, im ejjab kōjparok kien ko An, ej ri riab im ṃool eo ejjab ilo e.”<sup>14</sup>

Jej kōḷapḷok ad iakwe Anij im kwaḷok iakwe eo jān karōk ḷōmṃak ko ad im makūtḷūt ko ippān naan an Anij. Iakwe eo erre an ej tōl im kōketak kōj ñan erom ḷapḷok in erre im kwojarjar. Ej

kōketak kōj nān etetal ilo kwojarjar—jab jān mijak ak eddo ak jān juōn kōṇaan eḷap nān erom āinwōt E kōnke jej iakwe E. Jān kōmṇane āinwōt in, jamaroñ bar lotak ... im karreo jān bōtōktōk, aet bōtōktōk in Nejin eo Ej Make wōt, bwe jān maroñ erreō jān aolepen jerawiwi im mōṇōṇō kōn naan ko kōn mour indeeo ilo laḷin in, im mour indeeo ilo laḷ eo ej itok, aet aiboojoj in mour indeeo.<sup>15</sup>

Ro jeiū im jatū, jab ebbweer eḷaṇṇe komij jirilōk ilo jet iien. Jab kalimjeke laḷ ak ebbweer eḷaṇṇe komij jab eṇjake wānōk nān juōn rikaḷoor an Kraist ilo aolep iien. Buñten eo iṇaan ej etetal ilo kwojarjar ej meḷeḷe in kajieoñ. Jej aikuḷ in *kajieoñ* in tōmak. Kajieoñ in katak kōn Anij: Riiti jeje ko rekwojarjar; katak naan ko an rikanaan ro An ilo raan kein; kālet nān roñjake Jemed, im kōmṇani men ko E ej kajjitōk ippād. Kajieoñ im kōjparok ṁae iien eo me ej apañ ej jino pen tok—im bwe men eo ej epidodo wōt ej erom iminene im ej juōn ṁōttami eṁool.

### **Ekōjkan Ad Maroñ Roñjake Ainikien Jemed?**

Ilo am kepake Jemedwōj Ilañ, ilo am jar nān E ilo etan Kraist, Enaaj uwake eok. Ej kōnono nān kōj ijoko jabdewōt

Ilo am riiti naan ko an Anij kar jei ilo jeje ko rekwojarjar, roñjake Ainikien.

Ilo iien kwelōk in eḷap im im tokālik ilo aṁ katak naan ko kōnono ijin, roñjake Ainikien.

Ilo am ilōk nān tampeḷ im ilo nān kwelōk ko an Kabuñ, roñjake Ainikien.

Roñjake ainikien Jemed eo ilo peḷaak ko im aiboojoj ko an melan eo, ilo unojdikdik ko remra an Jetōb.

Ilo am iaieo aolep raan ippen ro jet, ilo naan ko an juōn al in jar, ilo leea an juōn ajri, roñjake Ainikien.

Eḷaṇṇe kwonaaj roñjake ainikien eo an Jemād eo, Enaaj tōl eok ioon juōn ial eo enaaj lewōj nān kwe eṇjake iakwe eo eṁool an Kraist.

Ilo ad epaake ḷok Jemedwōj Ilañ, eḷapḷok ad erom ekwojarjar. Im ilo an ḷapḷok ad ekwojarjar, jenaaj anjo ioon jab tōmak im ad jetōb renaaj obrak kōn meram in jeraṁman eo An. Ilo ad karōk mour ko ad ippān meram eo eḷaptata, ej tōl kōj jān marok nān meram eo eḷapḷok. Meram in eḷapḷok ej tōl nān kwaḷok ko jab kōnono kaki an Jetōb Kwojarjar, im reñōl eo ikōtaan lañ im laḷ emaroñ māni ḷok.

### **Etke Iakwe Ej Kien eo Eḷap?**

Iakwe an Jemedwōj Ilañ nān ajri ro Nejin ej wunin enaan eo an karōk in mōṇōṇō eo, karōk in ekar eḷeikkik ilo Pinmuur eo an Jisōs Kraist—ej iakwe eo eḷaptata laḷ in eaar jeḷā kake.<sup>16</sup>

Ekōjkan an alikar kar kōṇṇṇṇ an RiLōmṇor eo ke E ekar ba bwe aolep kien ko jet rej pedped ioon pedped in iakwe.<sup>17</sup> Eḷaññe jejjab kōwaan kien ko reḷḷap—eḷaññe jej ṇool in katak iakwe Jemedwōj Ilañ im armej ro ṇōttad kōn aolepen būrwuōd, ad, im ḷoḷātāt—aolep men ko jet renaaj kwon ilo jikier.

|v3

Iakwe eo ekwojarjar an Anij ej ukōt makūtūt ko rekka ṇan jermal eo ejej uwaan. Iakwe eo ekwojarjar ej ukōt naan ko repidodo ṇan jeje ko rekwojarjar. Iakwe eo ekwojarjar ej wun eo me ej ukōt makoko in atartar ippān kien ko an Jemedwōj Ilañ ṇan ajeḷḷok im kōjeramṇan.

Iakwe ej meram in tōl eo ej rome iaḷ ko an rikaḷoor im kobrak etatal eo ad ilo mour aolep raan, meḷeḷe in, im kabwilōñlōñ.

Iakwe ej joñak eo an tōmak eo ad, imṇwe eo ṇan ad pokake, im kein joñe ṇwilal in an jermal in rikaḷoor.

Iakwe ej jekjek eo an rikaḷoor.

Ij kaṇool bwe Anij ej pād ilo lañ. Emour. Ejeḷā im ej iakwe koṇ. E ej ḷōmṇak kōn koṇ. Ej roñjake jar ko ami im jeḷā kōṇaan ko an buruōmi. E eoprak kōn iakwe eo ejeḷḷok jeṇḷḷokin ṇan koṇ.

Ij kōjeṇḷḷok āinwōt iaar jinoe, ro jeiū im jatū jitenbōro: Ta ṇwil eo enaaj kōmḷeḷeik kōj āinwōt ro uwaan Kabun eo an Jisōs Kraist im Armej ro Rekwojarjar ilo Raan Kein- Āliktata?

Kōmṇan bwe ren jeḷā kōj āinwōt juōn armej eo me ej iakwe Anij kōn aolepen būruwōd, ad, im ḷōmṇak im ro rej iakwe ro riturier āinwōr kōj make. Ñe jej meḷeḷe im kamineneik kien kein ruo reḷḷap ilo baamḷe ko ad, ilo ward ak branch ko ad, ilo laḷ ko ad, im ilo mour ko ad aolep raan, jenaaj jino meḷeḷe ta meḷeḷe in ṇan erom juōn rikaḷoor an Jisōs Ri Kraist eo. Kōn men in Ij kaṇool ilo et eo ekwojarjar etan Jisōs Kraist, amen.

KAKEMEMEJ KO

1. Jon 14:15.

2. Lale Kolosse. 2:6.

3. Lale Matu. 23:23.

4. Matu. 22:37, 38.

5. Lale Matu 22:39.

6. 1 Jon 4:19.

7. Lale Aiseia 54:10; Jeremaia. 31:3.

8. Lale 1 Samuel 16:7.

9. Lale D&C 88:63.

10. 1 Jon 4:8.

11. Lale Rom 5:5; 1 Jon 4:7, 16.

12. Jeremaia 29:13.

13. 1 Jon 5:3; bar lale 2 Jon 1:6.

14. 1 Jon 2:4; bar lale Aiseia 29:13.

15. Moses 6:59.

16. Lale Jon 15:13.

17. Lale Matu 22:40.